



# NAFARROAKO PARLAMENTUKO

## ALDIZKARI OFIZIALA

---

X. legegintzaldia

Iruña, 2021eko urriaren 20a

117. ZK.

---

### A U R K I B I D E A

F SAILA:

**Galderak:**

—Galdera, Nafarroako partaidetza demokratikoari buruzko martxoaren 22ko 12/2019 Foru Legea erregela-  
mendu bidez garatzeari buruzkoa. Foru Diputazioaren erantzuna (2. or.).

H SAILA:

**Bestelako testu arau-emaileak:**

—Nafarroako Parlamentuko Langileen Estatutuaren aldaketa. Erregelamendu Batzordeak onetsia (4. or.).

---

**F saila:**  
**GALDERAK**

---

**Galdera, Nafarroako partaidetza demokratikoari buruzko martxoaren 22ko 12/2019 Foru Legea erregelamendu bidez garatzeari buruzkoa.**

*FORU DIPUTAZIOAREN ERANTZUNA*

Legebiltzarreko Erregelamenduko 114.1 artikuluan ezarritakoa betez, agintzen dut Nafarroako Parlamentuko Aldizkari Ofizialean argitara dadin Bakartxo Ruiz Jaso andreak egindako galderaren erantzuna, Foru Diputazioak emana, Nafarroako partaidetza demokratikoari buruzko martxoaren 22ko 12/2019 Foru Legea erregelamendu bidez garatzeari buruzkoa. Galdera 2021eko irailaren 13ko 100. Nafarroako Parlamentuko Aldizkari Ofizialean argitaratu zen.

Iruñean, 2021eko urriaren 4an

Lehendakaria: Unai Hualde Iglesias

**ERANTZUNA**

EH Bildu Nafarroa talde parlamentarioari atxikitako foru parlamentari Bakartxo Ruiz Jaso andreak idatzizko galdera egin du (PES-000230). Horren bidez, honako informazio hau eskatzen dio Nafarroako Gobernuari:

- Nafarroako Gobernuak zer urrats egin du 2020ko ekainetik hona dekretua taxutzeari begira?
- Zein da kronograma eta noiz aurreikusten du onetsiko duela?
- Kontuan hartuta alde aurreko kontsultaren fasea konfinamenduaren erdi-erdian egin zela eta ez zela inolako ekarpenik egin, Gobernuak zer parte-hartze prozesu aurreikusten du dekretua herritarrekin oro har eta toki entitateekin bereziki taxutzeari begira?

Galderak ongi adierazten duen bezala, martxoaren 22ko 12/2019 Foru Legea, Nafarroako Parte-hartze Demokratikoari buruzkoa, garatzen duen foru dekretuaren proiektua egin aurretiko kontsulta publikoa Nafarroako Gobernuaren Gobernu Irekiaren Atarian argitaratu zen, eta ekarpenak aurkezteko epe bat ireki, 2020ko o-

tsailaren 17tik ekainaren 24ra bitartekoa. Aipatu epean ez zen alegaziorik aurkeztu.

2020ko ekainaz geroztik foru dekretuaren proiektuaren barne-lanketa bat abian da, baina errealitatea da ez dela eman nahi adina aurrerapausorik, honako arrazoi hauengatik:

– Martxoaren 11n, Osasunaren Mundu Erakundeak koronabirusa mundu-mailako pandemia deklaratu zuen. Pandemia horren ondorioz, nazio-mailako bi alarma-egoera deklaratu dira, eta lehenbiziko epealdian etxeko konfinamendua beharrezkoa izan zen. Egoera horrek, bere alde-tik, bi egoera ustekabeko sortu ditu.

Batetik, harreman sozialerako oztopoa. Horrek parte-hartze prozesuan eragina izan ahal izan du, ez baita inolako ekarpenik lortu aurretiazko kontsulta publikoko aldiran, lehen adierazi den bezala.

Bestetik, aurreikusitako zenbait proiektu eta jarduera birprogramatu behar izan dira, batzuk atzeratuz eta beste batzuei lehentasuna emanez. Pandemiaren ondorioz, Nafarroako Gobernuaren herritarren parte-hartzerako unitateak tinko lan egin zuen pandemiaren kudeaketan herritarrei entzun eta ahotsa eman eta haiekin lankidetzan aritzeko. Alde horretatik, gogorarazi beharrezkoa da ezen, besteak beste, berriazko bi parte-hartze prozesuri ekin zitzaizela: batetik, “Bi metro, ideia bat”; eta, bestetik, “Orain, zurekin”. Bi prozesu horien artean herritarren ia 500 ekarpen jaso, baloratu eta erantzun ziren.

– Lehendakartzako eta Gobernu Irekiko Zuzendaritza Nagusiak lehentasun berri gisa ezarri zuen Gobernu Irekiari buruzko Plan Estrategiko bat prestatzea. Ildo horretan, 2021eko ekainaren 23an Nafarroako Gobernuak 2021-2023 eperako Gobernu Irekiaren I. Plana onetsi zuen. Plan horren prestaketan 3.000 herritar inguruk parte hartu zuten.

Planak 25 konpromiso jasotzen ditu, 5 ardatz estrategikoren ingurukoak. 1. ardatzaren 1. helburua da “dagoen araudia aplikatu eta garatzea: Nafarroako Parte-hartze Demokratikoari buruzko Foru Legea eta Gardentasunari, informazio publikoa eskuratzeari eta gobernu onari buruzko Foru Legea”.

– Nafarroako Parte-hartze Demokratikoari buruzko Foru Legea aplikatzeko lana denbora honetan zehar nagusiki bideratu da arau horrek aurreikusten duen herritarren parte-hartzerako lanabesa garatu eta aplikatzera. Urte honen amaieran emanen du fruitua. Aurrerapausoak eman dira halaber VI. tituluaren garapen eta aplikazioan; hots, haurren eta nerabeen parte-hartzean.

Arlo horretan orain arte eginiko lana lagungarri izanen zaigu Nafarroako Haur eta Nerabeen Parte-hartzerako Kontseilua eratzeke eta etorkizunean garatzeko.

Horrez gain, hiru gida berri argitaratu dira, bereziki toki-esparruetan herritarren parte-hartzea sustatzeko, hala erakunde desberdinetan nola protagonistatzat haurrak eta nerabeak dauzkaten prozeduretan edo Foru Komunitateko herri eta hirietako kulturarteko harremanean. Argitalpen horien xedea da toki entitateei eta gainerako administrazioei euskarri gisa balio izatea, gardentasunerako eta herritarren parte-hartzerako politikak taxutu eta abiarazteko, horrez gain bilaturik herritarrak afera publikoetan inplikatzeko eta administrazio publikoen irekitasuna areagotu dadila.

2. Zein da kronograma eta noiz aurreikusten du onetsiko duela?

Ikusmiran dugu foru legea aurtan edo datorren urtearen hasieran partzialki garatzea, eta foru legearen gainerakoarekin legegintzaldiaren amaierara arte jarraitzea, 2021erako Urteko Arau Planean jasota dagoen bezala. Argi dugu axola duena ez dela araua edukitzea, baizik eta parte-hartzea erraztuko duen arau bat edukitzea.

Langai hartu den lehentasuna da Parte-hartze Demokratikorako Nafarroako Kontseilua eratzea eta arautzea.

Hirugarrena. Kontuan hartuta alde aurreko kontsultaren fasea konfinamenduaren erdi-erdian egin zela eta ez zela inolako ekarpenik egin, Gobernuak zer parte-hartze prozesu aurreikusten du dekretua herritarrekin oro har eta toki entitateekin bereziki taxutzeari begira?

Galderak ongi dioen eta jada komentatu dugun bezala, COVID-19aren pandemiaren ondoriozko egoerak asko zaildu du interakzio soziala, astindu egin baititu parte-hartze prozesuak aurrera eramateko bideak, eta horixe izan da erregelamenduzko garapenaren gerarazpenaren arrazoietakoa bat. Horregatik, eta are gehiago herritarren parte-hartzea eraentzekoak diren arau batzuetan, beharrezkoa da zinezko parte-hartze prozesu ahaltsu bat.

Egiazko parte-hartze bat eta prozesu ahaltsu eta inklusibo bat gauzatzeko, beharrezko deritzogu herritarren parte-hartzerako lanabesa jadanik funtzionamenduan eduki ahal izateari. Nafarroako Parte-hartze Demokratikoari buruzko Foru Legea aplikatuz esaten genuen bezala, Herritarren Parte-hartzerako web atari bat aurkeztuko da, Gobernu Irekiaren Atarian txertatua, informazioa emateko eta parte-hartzea sustatzeko, hain zuzen parte-hartze hori ahalik eta irisgarriena eta errazena izateko sortua den gune batetik. Horrela, erregelamenduzko garapenerako parte-hartze prozesua lanabesetik kudeatu ahaliko genuke. Gune horretatik, modua egonen litzateke bileretarako deiak egiteko, ekarpenak aurkezteko, zirriborroak erakusteko, galdetegiak igortzeko eta abar; alegia, informazioa helarazteko, zinezko parte-hartzea egon dadin.

Horrez gain, berriazko bilerak eginen lirateke Nafarroako Udal eta Kontzejuen Federazioarekin eta toki entitateekin, haiei zuzenean eragiten dien heinean.

Hori guztia jakinarazten dizut, Nafarroako Parlamentuko Erregelamenduaren 194. artikulua betez.

Iruñean, 2021eko urriaren 4an

Lehendakaritzako, Berdintasuneko, Funtzio Publikoko eta Barneko kontseilaria: Javier Remírez Apesteguía

---

**H saila:**  
**BESTELAKO TESTU ARAU-EMAILEAK**

---

## **Nafarroako Parlamentuko Langileen Estatutuaren aldaketa.**

### *ERREGELAMENDU BATZORDEAK ONETSIA*

Nafarroako Parlamentuko Erregelamendu Batzordeak, 2021eko urriaren 19an egindako bilkuran eta Legebiltzarreko Erregelamenduaren hirugarren xedapen gehigarriarekin bat, Nafarroako Parlamentuko Langileen Estatutuaren aldaketa onetsi zuen. Horren testua erantsitako dokumentuan doa.

Haren azken xedapena betez eta Legebiltzarreko Erregelamenduaren 114. artikuluekin bat, agintzen da aipatu aldaketa Nafarroako Parlamentuko Aldizkari Ofizialean eta Nafarroako Aldizkari Ofizialean argitara dadin.

Iruñean, 2021eko urriaren 19an

Lehendakaria: Unai Hualde Iglesias

## **Nafarroako Parlamentuko Langileen Estatutuaren aldaketa**

### **HITZAURREA**

Nafarroako Parlamentuko Langileen Estatutua da antolaketa-aren eta langileen alorrean autoaraugintza-printzipioa ezartzen eta bermatzen duen oinarritzko araua, Parlamentuaren autonomiaren printzipio orokorretik eratorrita. Lege-maila eta -indarra dauzka, eta hala adierazi dute Konstituzio Auzitegiak nahiz Auzitegi Gorenak.

Langileen Estatutuaren aldaketa hau zenbait arrazoiren ondoriozkoa da. Batetik, administrazio parlamentarioa birmoldatu eta modernizatzeko prozesuari jarraipena ematen dio. Prozesu hori antolaketa-erregelamenduaren aldaketarekin hasi zen, non besteak beste zerbitziburuen ordainsarien homogeneousazioa jasotzen baita. Atalburutza berrien ordainsari-araubidea ere ezartzen da, haien ezarpenerako beharrezkoa baita. Bestalde, zenbait artikulua aldatzen dira, horiek oinarritzko araudira egokitzeko: administrazio-errekurtso arrunta ordeztzen da gora jotzeko errekurtsoarekin, eta aukerako berraztertze-errekurtsoa eskaintzen da; sartzeko hautaprotetan parte har-

tzeko baldintzak egokitzen dira halako moldez non aintzat hartzen baitira bai lizentziadunak bai gradudunak, bai eta Europar Batasuneko kide diren gainerako estatuetako herritarrek ere sarbidea izatea. Halaber jasotzen da lekualdatze-lehiaketarik ez dela izanen Kontuen Ganberako eta Foru Komunitateko Administrazio-ko funtzionarioekin, 26. artikuluari testu berria emanaz; eta, horren eskutik, indargabetu egiten da Nafarroako Parlamentuko lanpostuak lekualdatze-lehiaketa bidez betetzeari buruzko Erregelamendua, Nafarroako Parlamentuak 2007ko otsailaren 26ko erabaki bidez onetsia. Azkenik, azpimarratu beharrezkoa da artikulua berri bat sortu dela, telelana urruneko zerbitzu-ematearen modalitate gisa arautzen duena, lanpostuaren zereginak horrela bete daitezkeenean eta zerbitzuaren beharrezanek horretarako modua emanda, betiere. Artikulu horren osagarri dira berriki onetsiak diren arauak, Nafarroako Parlamentuko langileek beren lanaldia telelana-araubidean egiteari buruzkoak.

Langileen Estatutu indardunaren laugarren xedapen gehigarriak ezarritako prozedurari eta Parlamentuko Erregelamenduko hirugarren xedapen gehigarriari jarraikiz, Nafarroako Parlamentuko Langileen Estatutua aldatzen da, nondik norako hauekin:

**Artikulu bakarra.** Nafarroako Parlamentuko Langileen Estatutua aldatzen da, nondik norako hauekin:

Lehena.- Nafarroako Parlamentuko Langileen Estatutuko 6. artikuluko 1. eta 2. apartatuak aldatzen dira. Honako testu hau izanen dute:

“1. Lehendakariak eta legelari nagusiak langile-arloan emandako ebazpenak direla-eta errekurtsioa aurkeztu ahalko zaio Parlamentuko Mahaiari, hilabeteko epean gora jotzeko errekurtsioa aurkeztuz.

2. Mahaiak langile-alorrean harturiko erabakien aurka zilegi izanen da aukerako berrazter-

tze-errekurtsoa edo administrazioarekiko auzi-errekurtsoa aurkeztea, jurisdikzio hori arautzen duen araudiari jarraikiz. Arlo honetan errekurtsoak ebazten dituzten Mahaiaren erabakien aurka zilegi izanen da zuzenean administrazioarekiko auzi-errekurtsoa aurkeztea”.

**Bigarrena.**- Nafarroako Parlamentuko Langileen Estatutuko 8. artikuluko 2. eta 4. apartatuak aldatzen dira. Honako testu hau izanen dute:

“2. Teknikariei dagokie lizentziadun, gradudun edo diplomadun unibertsitate-titulua izatea eskatzen duten eginkizun profesionalak edo zuzendaritzakoak egitea, Nafarroako Parlamentuko beste funtzionario batzuei esleituta ez daudenak. Teknikarien kidegoa bi eskalaz osatuta egonen da:

- Goi mailako teknikarien eskala.
- Teknikari diplomadunen eskala”.

“4. Transkribatzaileen kidegoari dagokio Nafarroako Parlamentuko organoen bilkurak transkribatu eta grabatzeko zereginak betetzea eta Parlamentuaren argitalpenak editatzea; exekuzioko, laguntzako eta izapidetzeko administrazio-zereginak betetzea; eta mekanografia-lanak, artxibo-lanak eta antzekoak”.

**Hirugarrena.**- Nafarroako Parlamentuko Langileen Estatutuko 9. artikuluko 2. apartatua aldatzen da. Honako testu hau izanen du:

“2. Hautapen probetan onartua izateko, beharrezkoa izanen da:

a) Espainiar nazionalitatea edukitzea eta hamasei urte beteta izatea, eta, hala badagokio, nahitaezko erretiroa hartzeko gehieneko adina ez gainditzea.

Europar Batasuneko zuzenbideari jarraikiz, Europar Batasuneko kide diren beste estatuetako nazionalitatea dutenek ere sartzeko izanen dute lanpostu publiko guztietan, espainiarrei eskatzen zaizkien baldintza beretan, salbu eta botere publikoaren egikaritzean zuzenean edo zeharka parte hartzea dakarten lanpostuetan eta Estatuaren edo administrazio publikoen interesak defendatzea helburu duten eginkizunetan.

Aurreko lerrokadan ezarritakoa aplikatuko zaie, orobat, espainiarren eta Europar Batasuneko kide den beste estatu bateko nazionalitatea dutenen ezkontideei, zuzenbidearen arabera bananduta ez badaude, bai eta haien ondorengoei eta ezkontidearen ondorengoei ere, zuzenbidez bananduta ez badaude, baldin eta ondorengoek hogeita bat urte baino gutxiagoko adina badute edo, zaharagoak izanda ere, haien bizkar bizi badira.

Orobat aplikatuko zaie Europar Batasunak sinatu eta Espainiak berretsitako nazioarteko hitzarmenen aplikazio-esparruan dauden pertsonen, haietan aplikatzekoa denean langileen zirkulazio askea.

Nafarroako Parlamentuak, bere eskumenen esparruan, zehaztuko du zein diren Europar Batasuneko kide diren gainerako estatuetako nazionalitatea dutenek betetzetik ez duten lanpostuak.

b) Kasuko titulua edukitzea, edo eskaerak aurkezteko epea amaitzen den egunean hura eskuratzeko moduan egotea.

c) Epai irmoz desgaitua ez egotea eginkizun publikoak betetzeko.

d) Kasuko eginkizunak betetzea eragozten duen gaixotasunik edo akats fisikorik ez edukitzea.

e) Deialdi bakoitzean ezartzen diren betekizunak betetzea”.

**Laugarrena.**- Nafarroako Parlamentuko Langileen Estatutuko 10. artikuluko a) eta b) letrak aldatzen dira. Honako testu hau izanen dute:

“a) Zuzenbidean lizentziadunaren edo gradudunaren titulua, legelarien kidegoan sartzeko.

b) Lizentziadunaren, gradudunaren, arkitektoaren, ingeniari teknikoaren, unibertsitateko diplomadunaren, arkitekto teknikoaren edo hirugarren graduko lanbide-heziketako titulua, teknikarien kidegoan sartzeko”.

**Bosgarrena.**- Nafarroako Parlamentuko Langileen Estatutuko 13. artikuluko 1. apartatua aldatzen da. Honako testu hau izanen du:

“1. Nafarroako Parlamentuko funtzionarioaren izaera honako arrazoi hauetakoren batengatik galitzen da:

a) Uko egiteagatik. Uko horrek ez du desgaituko funtzio publikoan berriro ere sartzeko.

b) Espainiar nazionalitatea edo Europar Batasuneko kide den beste edozein estatutakoa galtzea, salbu eta aldi berean lortzen denean kide den beste estatu bateko nazionalitatea. Halaber, galdu egiten denean estatutu honetako 9. artikuluko 2. apartatuaren a) letran xedatutakoaren arabera lanpostu publiko bat espainiarren baldintza beretan eskuratzeko gaitzen duten baldintzetako edozein, salbu eta interesdunak 2. apartatuaren a) letra horretan adierazten diren baldintzetako beste edozein betetzen badu.

c) Zerbitzutik kentzearen diziplina-zehapenagatik.

d) Desgaikuntza absolutuko edo kargu publiko-rako desgaikuntza bereziko zigor nagusi edo erantsiagatik.

e) Zerbitzu aktibora ez itzultzeagatik eszedentzia berezia edo borondatezkoa amaitu ondoren, salbu eta destinoaren zain egotera pasatzearen kasuan”.

Seigarrena.- Nafarroako Parlamentuko Langileen Estatutuko 17. artikuluko 1. apartatuari l) letra berria gehitzen zaio, honako testua duena:

“l) Nafarroako Parlamentuko zerbitziburutza batean jarduteko izendatuak direnean”.

Zazpigarrena.- Nafarroako Parlamentuko Langileen Estatutuko 26. artikulua aldatzen da. Honako testu hau izanen du:

“26. artikulua. 1. Lanpostu hutsak beteko dira, Mahaiak Langileen Batzordeari entzun ondoren erabakitakoari jarraikiz, merezimendu-lehiaketaren bidez edo izendapen askearen bidez.

2. Halaber, Mahaiak zilegi izanen du erabakitzea funtzionarioek behin-behinekoz jardun dezatela beren maila berekoa izanik haiek titular diren lanpostuarena edo altuagoa den kategoria bateko lanpostu batean, baldin horretarako beharrezkoa den titulazioa edo prestakuntza badaukate.

Behin-behinekotasun hori edozein unetan atzera bota ahalko du Mahaiak”.

Zortzigarrena.- Nafarroako Parlamentuko Langileen Estatutuko 27. artikuluko 1. apartatuko j) letra aldatzen da. Honako testu hau izanen du:

“j) Lizentzia eta baimen ordainduetarako nahiz ordaindu gabeetarako, erregelamenduz zehaztuko diren kasu eta baldintzetan”.

Bederatzigarrena.- Nafarroako Parlamentuko Langileen Estatutuko 29. artikuluko 1. apartatuko c) letra aldatzen da, eta 3. apartatuari b) letra berria eta 29. artikuluari 6. apartatu berria gehitzen zaizkie. Hona horien testuak:

“c) Artikulu honen 4, 5 eta 6. apartatuek aipagai hartzen dituzten ordainsariak”.

“b) Zuzendaritza postuko osagarria”.

“6. Zerbitziburutzei dagozkien ordainsariak A mailako soldata oinarri hartuz zehaztuko dira, eta osagarriek ere A maila hartuko dute erreferentziazat, zerbitzibururu diharduen pertsona zein maila/taldetako den ere. Horien zenbatekoa plantilla organikoan zehaztuko da”.

Hamargarrena.- Nafarroako Parlamentuko Langileen Estatutuari 30. bis artikulua berria gehitzen zaio. Hona testua:

“30. bis artikulua. Atalburutzako eta beheerago unitateetako burutzen lanpostuen kasuan, zuzendaritza-postuko osagarria kalkulatu da erreferentzia gisa hartuz A mailari/taldeari dagoen hasierako soldata, kontuan hartu gabe atalburuak duen lanpostu-maila/taldea. Horren zenbatekoa plantilla organikoan zehaztuko da.

Osagarri hori bateraezina izanen da aparteko orduengatik diruzko ordainak jasotzearekin”.

Hamaikagarrena.- Nafarroako Parlamentuko Langileen Estatutuko 33. artikuluko 4. apartatuko a) letra eta 6. apartatua aldatzen dira. Hona hemen horien testu berriak:

“a) Hauteskundeetara aurkezten diren zerrendek gutxienez zazpi hautagairen eta ordezeko hiru izenak jaso beharko dituzte”.

“6. Langileen Batzordea lau urtean behin bertutuko da, artikulua honetan ezarritako prozedurari jarraikiz. Hala ere, Nafarroako Parlamentuko Mahaiak hauteskunde berrietarako deia egingen du batzordekideen ehuneko 50 baino gehiagok postua utzi eta modurik ez dagoenean postu horiek artikulua honetako 4. apartatuko f) letrak aurreikusitako ordezen automatikoaren bitartez betetzeko.

Orobat, sindikatuek zilegi izanen dute administrazio parlamentarioari eskatzea, lau urteko kargualdia amaitu aurreko lau hilabeteetan, Langileen Batzorderako hauteskundeak egin daitezzen. Baita aurreko paragrafoan aurreikusitako egoera gertatzen denean ere, baldin bederatzi hilabete baino gehiago falta badira kargualdia amaitzeko”.

Hamabigarrena.- Nafarroako Parlamentuko Langileen Estatutuari 37. bis artikulua berria gehitzen zaio. Hona testua:

“37. bis artikulua. Telelana.

1. Telelana urruneko zerbitzu-ematearen modalitate bat da, zeinean, zerbitzuaren beharrezanek horretarako modua emanaz gero, lanpostuaren zereginak Parlamentuaren instalazioetatik kanpo bete baitaitezke, informazioaren eta komunikazioaren teknologiak erabiliz.

2. Telelan bitarteko zerbitzu-ematea esanbidez baimendu beharko da, eta bateragarria izanen da modalitate presentzialarekin. Betiere borondatezkoa eta atzera egiteko modukoa izanen da, salbu eta ongi justifikaturiko ezohiko kasuetan. Telelana egingen da estatutu hau garatzeko emanen diren arauak adierazitako moduan. Arau horiek kasuko alorreko negoziazio kolektiboaren

langai izanen dira, eta zerbitzu-ematearen modalitate hau erdiesteko irizpide objektiboak jasoko dituzte.

Teletan lagungarri izan beharko du lana hobeki antolatzeko, helburuak identifikatuz eta horien lorpena ebaluatuz.

3. Teletan diharduten langileen betebeharrak eta eskubide indibidual nahiz kolektiboak, estatutu honetan jasotako modalitate presentzialean diharduten gainerako langileen berak izanen dira, barne harturik laneko arriskuaren prebentziorako aplikatzeko den araudia. Salbuespen dira zerbitzu-emate presentzialak berezko dituenak.

4. Modalitate honetan diharduten pertsonen, Parlamentuak beren jardunerako beharrezkoak diren bitarteko teknologikoak eskuratuko dizkie. Bitarteko horiek teletan-erabilera huts-hutserako izanen dira”.

Hamahirugarrena.- Nafarroako Parlamentuko Langileen Estatutuko bigarren xedapen gehigarria aldatzen da. Honako testu hau izanen du:

“Bigarrena. 1. Estatutu honek aurreikusten ez duen orotan, aplikatzeko izanen da 251/1993 Legegintzako Foru Dekretua, abuztuaren 30ekoa, Nafarroako administrazio publikoen zerbitzuko langileen estatutua onesten duena, bai eta hori aldatzen duten foru legeak ere, ezertan galarazi gabe 34.2 artikuluan ezarritako eskumenak. Hala ere aplikatuko da, ordezkotik bezala, Foru Komunitateko administrazio funtzionarioen araubideari buruzko araudi indarduna, jardueraren parlamentarioarekin bateraezina ez den heinean”.

Hamalugarrena.- Nafarroako Parlamentuko Langileen Estatutuko zazpigarren xedapen gehigarria aldatzen da. Honako testu hau izanen du:

“Zazpigarrena. Nafarroako Parlamentuak egiten dituen funtzio publikoan sartzeko deialdietan, lanpostu hutsen ehuneko 5 baino txikiagoa izanen ez den lanpostu-kopuru bat gordeko da ehuneko

33 edo gehiagoko desgaitasuna duten pertsonen bete ditzaten, betiere hautaprobak gainditzen badituzte eta, dagokion unean, aipatutako desgaitasun-gradua eta hori kasuko zeregin eta funtzioak betetzearekin bateragarria dela frogatzen badute”.

Hamabosgarrena.- Nafarroako Parlamentuko Langileen Estatutuko bederatzigarren xedapen gehigarria aldatzen da. Honako testu hau izanen du:

“Bederatzigarrena. Huts-hutsik graduari eta antzinateari dagozkien ordainsarietan eraginik, Parlamentuko funtzionarioei eta langile kontratuetan kontuan hartuko zaie, aitortutako zerbitzuez gain, soldaduska edo ordezkotik gizarte zerbitzua egiten emandako aldia, baldin eta ez bada haiekin batera suertatu denboran”.

**Xedapen gehigarria.** Artikulu bakarreko bederatzigarrenean egindako aldaketak efektu ekonomikoak sortuko ditu izendapenak egiten diren bitartean. Beheragoko unitateetarako zuzendari-tza-postuko osagarriaren kasuan, funtzionarioek postu horietako jarduna jarraitutasunez betetzen dutenean, horren efektu ekonomikoak hasiko dira Nafarroako Parlamentuaren zerbitzuko langileen plantilla organikoko aldaketa Nafarroako Parlamentuko Aldizkari Ofizialean argitaratzen den egunean.

**Xedapen indargabetzailea.** Indargabetu egiten dira estatutu honetan ezarritakoarekin kontrastatzen dauden xedapen guztiak; eta, zehazki, Nafarroako Parlamentuko lanpostuak lekualdatze-lehiaketa bidez betetzeari buruzko Erregelamendua, Nafarroako Parlamentuaren 2007ko otsailaren 26ko erabakiaren bidez onetsia.

**Azken xedapena.** Aldaketa honek Nafarroako Parlamentuko Aldizkari Ofizialean argitaratzen den egunean hartuko du indarra. Nafarroako Aldizkari Ofizialean ere argitaratuko da.

